

[FLASH NOTES]

RESPIRATORY SYSTEM

:Bronchial asthma

طبعا دي المشكلة اللي بنسميها الربو الشعبي.

:Definition

الdefinition بتاعها كبير أوي, لكن هي باختصار شديد عبارة عن chronic inflammatory disease

recurrent attacks العيان بيعانى فيها من:

1. Dyspnea:

Shortness of breath أو صعوبة في التنفس.

2. Wheezes:

مقصود بيها صوت مرور الهواء في الnarrow bronchi, العيان يقول صدري بيزيق أو بيصفر.

3. Cough:

4. Chest tightness:

العيان يقول صدري طابق عليا.

ده في الattacks, الpatient بيبقي completely normal in between attacks.

ليه بقي يحصل bronchial asthma؟

بنعتبرها chronic inflammatory condition, وعشان تحصل لازم حاجتين:

أول حاجة بنسميها triggering stimuli:

يعنى أنا بتعرض مثلا لحاجة موجودة في الجو زي الdust أو بخار المصانع أو لفرو الحيوانات أو respiratory viruses.

كلنا بنتعرض للحاجات دي بس مش بيجيلنا asthma.

يبقي فيه حاجة تانية اسمها hyper-responsiveness في العيان ده, العيان ده عنده رد فعل مبالغ فيه في الbronchial system.

هتلاقي في الكتاب triggering stimuli, كاتبلك حاجات allergens يعنى بتعمل allergy, وهشرحلكم فكرتها دلوقتى.

فيه حاجات تانية بقي بتخلي العيان يتعرض لasthmatic attacks زي ان العيان يتعرض للجو البارد, وزى حاجة اسمها sulfur dioxide, وزى الexercise في بعض الناس.

أنا اللي يهمنى اللي اسمها allergens بقي, الallergic asthma بقي بيسموها extrinsic asthma.

VISIT...

LANZAROTE
Caliente.COM

تبدأ القصة فيه بان العيان يتعرض لallergen غالبا inhaled. أول مرة يتعرض فيها العيان للallergen ده بيحصل sensitization, يعني الimmune system يبدأ نوع محدد من الimmunoglobulins اسمه IgE, وده بيبقى directed to membrane of mast cells, بس في أول مرة محصلش أعراض. كل مرة اتعرض فيها لنفس الallergen ببسموها re-exposure, هيحصل antigen-antibody reaction ويحصل influx of Ca^{2+} في الmast cells ويحصل rupture of membrane of mast cells أو ما يسمى ب degranulation of mast cells ويطلع منها inflammatory mediators من ضمنها serotonin, histamine, prostaglandins, leukotrienes. وفيه other mediators بس مش مهمة أوي بالنسبة لنا: حاجة اسمها TNF و eosinophile chemotactic factor ومادة اسمها PAF. لكن خرينا في الleukotrienes, الleukotrienes هتعمل مشكلة المشاكل, هي ليها receptors علي الmucosa of the bronchial tree وعلي الsmooth muscles of الbronchial tree, فلما تشتغل علي الreceptors بتاعها بتعمل bronchospasm و inflammatory reactions في الmucosa بتاعة الrespiratory tree. وطبعاً الinflammation ده هيحصل معاه migration للinflammatory cells و release of cytokines و edema و هيزيد الcapillary permeability.

فتلاقى العيان اللي عنده bronchial asthma عنده 3 مشاكل في الbronchi:

أولاً: Spasm of bronchi. ثانياً: Inflammatory edema في الmucosa بتاعة الbronchial tree. ثالثاً: عندي secretions, وأحياناً بيبقى thick وviscid لدرجة انه قافل الbronchi. احنا في الbronchial asthma, يعني نقدر الي حد كبير أوي نتوقع الأدوية, عندي مشكلة اسمها bronchospasm وعندي مشكلة اسمها inflammation, بيبقى لما أشوف الdrugs لازم أفكر في مجموعتين: broncho-dilators و anti-inflammatory. عايز بقي تدي حاجة تعمل mucolytic action يعني عايز حاجة تطرد البلغم ماشي, عيان قلقان ومتوتر فعايز تديله حاجة مهدئة, عيان عنده hypoxia عايز تديله أكسيجين ماشي, كل ده ماشي.

:Clinical presentation of asthma

دي هتقراها عشان العملي, بيقسم الasthma لأنواع:

1. Mild intermittent.
2. Mild persistent.
3. Moderate persistent.
4. Severe persistent.

اللي بيحكمنى ايه؟ بييجي كام attack في النهار وكام في الليل.

في ال **mild intermittent** :

بيبقى أقل من 2 attacks في الأسبوع بالنهار, وبالليل مش أكثر من 2 attacks في الشهر كله.

في ال **persistent**:

بتبدأ ال attacks تزيد, يعنى في ال mild persistent بيبقى فيه أكثر من 2 attacks في الأسبوع بالنهار بس مش كل يوم, وبالليل أكثر من مرتين, ممكن 3 أو 4 مرات في الشهر يعنى maximum مرة في الأسبوع.

في ال **moderate persistent**:

بييجي attack كل يوم وأكثر من مرة في الأسبوع بالليل, يعنى أكثر من 4 مرات في الشهر.

في ال **severe persistent** :

بقي العيان علي طول bronchial asthma, كل يوم بييجيله attack وبالليل بيصحي علي attack بردو.

الحقيقة جت مرة واحدة بس انك تشخص نوع ال asthma.

:Drugs

تعالى بقي نفكر في ال drugs:

أنا عايز أعمل bronchodilatation وعايز أمنع ال inflammation, فكر معايا بقي كده لو جيت أتكلم عن ال bronchodilators:

ال smooth muscles بتاعة ال bronchi عليها نوعين من ال β_2 receptors: M3.

حد فاكرو كانوا بيشتغلوا ازاي؟

أول واحد: ال β_2 receptor ده كان بيشتغل عن طريق ال Gs, فلما بيحصله activation بينشط ال adenylyl cyclase فيتحول ال ATP الي cAMP, وده مهم جدا جدا في ال bronchial asthma, ليه بقي؟

أولاً: بيعمل bronchodilatation, وهقولكوا ان شاء الله لو جت فرصة ازاي, ال cAMP ده بيحير الطلبة أوي, تلاقيه في بعض الأماكن بيعمل stimulatory action وفي أماكن تانية بيعمل inhibitory action, هو هنا عمل ايه؟ inhibition؛ عشان قلل ال tone.

غير انه بيعمل bronchodilation اتضح كمان انه بيعمل حاجة مهمة أوي في ال asthma اسمها mast cell stabilization, يعنى يخلي ال mast cell ما تفرقعش لما يحصل antigen-antibody reaction, وطالما محصلهاش degranulation فماتطلعش inflammatory mediators, فميجلس attack of bronchial asthma.

لقوا كمان انه بيقلل شوية ال secretions, بيقلل ال capillary permeability وال congestion وال diffusion والكلام ده.

ولقوا انه بيعمل increase in activity of cilia, يعنى بيخلي حركة ال cilia أحسن وبالتالي تقدر تطرده ال mucus بشكل أحسن.

كل ده يحصل بالنسبة لأي دوا بيزود cAMP. طيب فكروا بقي, cAMP ده كان بيحصله degradation بمجموعة من الenzymes اسمهم phosphodiesterases P.D.E., وبيتحول لحاجة inactive وهي AMP. الM3 receptor بقي بيشتغل ازاى؟ كان بيشتغل علي الGq, وحكاية بقي انه بيزود cGMP دي مبقتش مهمة أوي, الحاجة الأهم انه بينشط enzyme اسمه (phospholipase C (PLC), الenzyme ده بيحول الmembrane phospholipids لـ 2 components اللي هما IP3 و DAG, الاتنين بيعملوا الكالسيوم في الbronchi.

من اللي أنا قلته بقي أنا عايز أسنتنج 3 مجموعات من ال bronchodilators:

أول حاجة لازم أفكر فيها هي ان أنا لازم أزود cAMP, وعشان أزوده يبقى يا اما أشغل ال β_2 inhibition of PDE اما أعمل β_2 agonists, ومجموعة اسمها Methylxanthines. يبقى أنا عندي مجموعة اسمها β_2 agonists, ومجموعة اسمها Methylxanthines. دي اللي بتعمل inhibition of PDE. سمعنا حاجة كده علي الماشي فيهم في الheart failure, كان ليهم positive inotropic action بنفس الطريقة, ولو فاكيرين كانوا بيمنعوا شغل enzyme بالتحديد اسمه phosphodiesterase IV.

الحل الثالث بقي ان أنا اجي علي الM3 وأعملها block, يعني أدي anti-muscarinic drug, زمان كنت بدي atropine, لكن دلوقتي طلعت مجموعة اسمها anti-asthmatic atropine substitutes اللي هي اخرها -tropium, زي Ipratropium و Tiotropium. يبقى المجموعات دي هي العلاج بتاعي في الbronchial asthma كـ dilators, هقولهم بالتفصيل دلوقتي بس تعالي دلوقتي نفكر في المجموعة الثانية.

:Anti-inflammatory drugs

أنا عايز أشتغل غالبا علي الجزء بتاع الleukotrienes, لو احنا فاكيرين في الautacoids كان الpathway بتاع الleukotriene formation ده, الphospholipid بتتحول لـ arachidonic acid بـ enzymes اسمهم phospholipases وأهم PLA2 اللي كان بيطلع arachidonic acid في خطوة واحدة. وكان الarachidonic acid له 2 pathways: الpathway الأكثر انه يتحول لمجموعة اسمها prostaglandins بأنواعها بقي, ملهمش قيمة أوي في الbronchial asthma لأن فيه منهم بيعمل bronchodilation وفيه اللي بيعمل bronchoconstriction.

أنا اللي يهمنى بقي ال pathway التاني، انه هو يدنى leukotrienes عن طريق enzyme سميناه 5-LOX، أول واحد بيتكون كان A4 وبعده B4 وده ميهمناش أوي في ال asthma، وكان ال A4 بيتحول ل C4 و D4 ودول المهمين بالنسبة لي، دول بيشتغلوا علي specific receptors فيعملوا bronchoconstriction ويعملوا ال inflammatory reactions في ال bronchi.

عايز بقي أقلل شغل ال leukotrienes، قدامى كام حل؟

الحل الأول: ممكن أبدأ من الأول وأعمل inhibition لل PLA2، واللي بيعمل كده هو corticosteroids أو glucocorticoids، ودي مبتعملش inhibition مباشرة لل PLA2، دي كانت بتطلع protein اسمه lipoprotein هو اللي كان بي inhibit ال enzyme. الحل التاني: أقفل ال 5-LOX، دوا اسمه Zileuton مفيش غيره. الحل الأخير بقي: أنا سبت كل ال pathway لكن عملت block لل leukotriene receptors بمجموعة أدوية اخرها -lukast ال اللي هي leukotriene antagonist، معندناش غير دواين: Zafirlukast و Montelukast.

ملحوظة مهمة:

ال anti-inflammatory drugs مش bronchodilators، يعنى الهدف منهم مش ال acute attack of bronchial asthma، يبقى ده in between ال attacks عشان أمنع ال inflammatory reactions عشان ميحصلش attacks جديدة، يعنى long-term prophylaxis.

ايه رأيكم في ال Aspirin؟

ال Non-steroidal anti-inflammatory drugs، هما anti-inflammatory بس مينفعوش. ليه بقي؟

بيقفلوا طريق ال prostaglandins وبيخلوا ال pathway يبقى shifted ناحية ال leukotrienes، يبقى بالعكس بقي ده ممكن يعملوا attacks.

فاضل ايه بقي ممكن أعمله في ال bronchial asthma؟

حاجة تخلي ال mast cells ماسكة نفسها، فيه مجموعة أدوية بيسموها mast cell stabilizers أو degranulation inhibitors، بردو مهماش bronchodilators وملهمش علاقة بال antigen-antibody reaction، كل فكرتهم انه لما بيحصل Ag-Ab reaction ال mast cells بتفضل ماسكة نفسها ومبيحصلش فيها rupture عشان ما تطلعش mediators.

هنسمع ان شاء الله عن دوا اسمه Cromolyn اللى هو اسمه الكيمائي Disodium cromoglycate، ودوا شبهه أوي اسمه Nedocromil sodium، ده بردو لما يحب يتصنف يتحط مع ال anti-leukotrienes ويتحط مع مجموعة ال Gluco/Corticosteroids. يبقى ده بقي شكل سريع لتقسيمه الأدوية بتاعة ال bronchial asthma،

نيجي بقي ناخذ أول مجموعة كده.

:Bronchodilators .1

.A. Beta-2 Agonists

.B. Methylxanthines

.C. Anti-muscarinics

:A. β_2 agonists

ال mechanisms بقي بيتهيألي زهقنا منها. أنا اللي يهمنى بقي لو رحنا لل autonomic كده, كان عندنا non selective & selective β_2 agonists.

مين في الأدوية كان بيشتغل ك agonist علي β_1 و β_2 ? Isoprenaline وطبعاً Adrenaline, لكن Nor adrenaline غالباً ملوش علاقة ب β_2 , وبعد كده كان عندنا أدوية تانية زي Dopamine و Dobutamine, دول بردو تبع ال D وملهمش علاقة ب β_2 .

ال Adrenaline في ال bronchial asthma:

بيتاخذ by inhalation أو subcutaneous وبالطريقة دي بيشتغل بسرعة فينفع في ال acute, لكن ليه short duration فيمنفعش في الوقاية.

الميزة بتاعة ال adrenaline ايه؟

بيشغل β_2 (bronchodilator) فيعالج ال acute attack وفي نفس الوقت بيشغل α_1 في ال mucous membrane فكمال يعمل decongestion, يعني يقلل الاحتقان هنا.

يبقي دي الميزة اللي فيه, لكن للأسف بقي مليان عيوب:

بيشتغل علي β_1 فيعمل tachycardia و arrhythmia و angina, ويشغل α_1 في كل الجسم فمممكن يعلي الضغط, فيبقي مش مفضل استخدامه.

:Isoprenaline

كان بيشغل β_2 , يبغي الميزة اللي فيه نفس القصة بالنسبة لل β_2 ولكن العيب اللي فيه انه شغل β_1 فيعمل tachycardia و angina وكل الكلام ده, وخلي بالك ده كان من أكثر الأدوية اللي بيتعمل tachycardia لأنه كان بيعملها بطريقتين: مباشرة عن طريق شغله علي β_1 في القلب, وبشكل غير مباشر لما يشتغل علي β_2 ويقلل الضغط فيعمل reflex tachycardia.

كان بردو بيتاخذ inhalation فينفع في acute attack, لكن مينفعش في الوقاية عشان بردو ليه short duration.

Ephedrine:

ده تالت دوا كان موجود في الautonomic, ده كان sympathomimetic وكان catecholamine, فكان بيتاخذ oral فينفعنى في الوقاية لكن مينفعش في الacute attacks.

الميزة اللي فيه زي الadrenaline, العيب اللي فيه زي الadrenaline بردو, بس اوعي تنسي انه CNS stimulant فكان بييجيب insomnia يعنى يخلينى معرفش أنام. الEphedrine معادش له أهمية في الbronchial asthma.

Selective β_2 agonists:

دول بقي كانوا الأحسن بين المجموعة اللي فاتت دي كلها. كان عندنا نوعين:

1. Short acting β_2 agonists (SABA).

2. Long acting β_2 agonists (LABA).

الميزة اللي فيهم هي الselectivity علي β_2 , يبقى عملنا زيادة في cAMP بكل المزاي اللي فيه.

طريقة الadministration بتاعتهم نعرفها عشان العملي. في الSABA:

عندنا دوايين, دوا اسمه Salbutamol, وخلي بالكوا هو له اسم علمى تانى بيستخدمه الجماعة الأمريكان اسمه Albuterol, معتقدش انه مكتوب هنا ولا في كتاب العملي بس كتاب الأسئلة كان بييجيب عليه سؤال بالاسم ده.

وعندنا دوا تانى اسمه Terbutaline, والأتنين بيتاخدوا inhalation فيشتغلوا بسرعة بس مش هيطولوا.

ينفعوا في الacute attack وبيسموهم asthma-relievers. الLABA:

بقي, افتكروا دوا اسمه Formoterol و Salmeterol, الأتنين بيتاخدوا inhalation, هيطولوا شوية لأنهم ليهم lipid solubility عالية, فيتاخدوا فيما يسمى long-term prophylaxis.

وفيه دوا اسمه Bambuterol مرة جيه عليه سؤال MCQ عن route of administration بتاعه, هو بيتاخذ oral بس.

لو أخذتوا بالكوا Salbutamol و Terbutaline بيتاخدوا inhalation لكن فيه منهم أقراص فيتاخدوا oral, وال Salmeterol يتاخذ inhalation وزيه Formoterol, الBambuterol يتاخذ oral بس.

يبقي مجموعة الLABA هتتفعنى في الوقاية, نفس الmechanism of action بس الفكرة في الlong duration.

تعالى بقي نشوف عيوبهم ايه:

فيه طريقة هي بلدي شوية لحفظ العيوب بتاعة ال: β_2 agonists

4T & 2H

4T

أول حاجة: Tachycardia:

ايه تفسيرها؟ غالبا reflex عشان شغل ال β_2 علي ال (blood vessels vasodilation) فحصل hypotension و reflex tachycardia.

فيه تفسير تاني بقي وهو ان مفيش absolute selectivity, يبقى أنا لو ادبت جرعات متكررة من الدواء ده فكأنه فقد ال selectivity, معادش يشتغل علي β_2 بس, لأ كمان اشتغل directly علي β_1 .

فعشان كده الأدوية دي زي ما هنشوف في العملي بتتأخذ 1-2 puff يعنى بخة, لو ماتحسنش العيان يبقى ياخذ واحدة كمان, لو ماتحسنش مش هتديه تاني.

تاني T هي Skeletal muscle Tremors:

كلكم عارفين ان ال β_2 لما بنشغلها علي ال skeletal muscles بتعمل tremors, ودي ملحوظة بيقولها العيان: "أنا من ساعة ما استخدمت البخاخة دي ايدي بتترعش".

العيب الثالث: Nervous Tension:

يعنى العيان يبقى عصبي ومتوتر شوية.

تفسيرها ايه؟

الأدوية دي كلها non-catecholamines يعنى بيعدوا BBB فيعملوا CNS stimulation مش بال β_2 بقدر ما هو بال β_1 .

ال T الأخيرة بقي هي Tolerance:

بما انكم أخذتوا general فانتو اللي هتفسروها بقي, يقولك أنا كنت زمان باخد البخاخة فال asthma تفك علي طول, دلوقتي باخذها بنفس الجرعة ومتحسنش «يعنى tolerance». أسبابها ايه؟

دول كلهم β_2 agonists, يبقى لما أعرض ال receptor لل agonist بيحصله down regulation, كل ما زودت الجرعات كل ما استخبت ال receptors منك. كان حلها ايه زمان؟

توقف الدواء فترجع ال receptors تطلع تاني فيرجع الدواء يشتغل.

دلوقتي لقوا حاجة أفيد بكتير أوي, لقوا ان أنا لو حطيت معاهم (بالذات بتوع ال prophylaxis) حطيت corticosteroids يقال انهم بيعملوا نوع من ال upregulation أو علي الأقل بيمنعوا down regulation.

الـ 2H بقي:

أول حاجة Hypokalemia,

ودي مفهومة لأن الـ β_2 بتوع الـ skeletal muscles بيسحبوا بوتاسيوم من الدم.

تاني حاجة Hypotension,

بيوسعوا الشرايين فيعملوا hypotensive effect.

كتاب القسم كاتب نمرة 6 كلام كتير أوي:

الـ LABA ممكن تزود Asthma-related death لو استعملناهم لوحدهم في عيان عنده arrhythmia أو ischemia؛ لأن أنا بعد كده بضطر أدّي جرعات كبيرة تعمل hypotension وتعمل tachycardia غالبا بتبقي reflex أو direct نتيجة loss of selectivity, فلو كده العيان هيموت لو خد الـ LABA لوحدهم, فبدأوا يحطوا معاهم corticosteroids.

:B. Methylxanthines

الموضوع ده أساسا تبع الـ CNS, بس بشكل سريع كده, المجموعة دي فيها المركبات التالية:

1. الـ Caffeine وده أساسا شغله علي الـ CNS فلهو جيل.
2. وعندنا حاجات زي الـ Theobromine ميهمناش خالص.
3. الأهم عندنا هو الـ Theophylline.

فيه عندنا دوا مشتق من الـ Theophylline اسمه الـ Aminophylline, بيقلوا عليه الـ Theophylline ethylene diamine.

بالنسبة للـ source بتاعهم ففيه حاجات جاية من الـ plant origin, كلكم عارفين النباتات بتاعة الكولا والكافا والشاي, كل دول فيهم الـ Methylxanthines, لكن طبعا دول بيبقوا synthetic drugs.

لو بنتكلم علي الـ chemistry فهنقول الـ methylxanthines بس, ممكن نقول عليهم الـ alkaloids.

:Pharmacokinetics

لو بنتكلم علي الـ absorption,

الـ theophylline

بيتاخد الـ oral وبيطلعوا منه دلوقتي حاجة اسمها (sustained-release preparations SR) اللي هو بالعربي بيسموه طويل المفعول في الـ tablet والـ capsules.

ياريت نفكر بقي مزايا الـ SR ده ايه؟

الأول هيقول الـ frequency of administration فالعيان هيلتزم بيه ان شاء الله.

طبعا عارفين اني لما بدي الدوا, الدوا في البلازما بيوصل لتركيز سميناه الـ C_{ss} يعني steady state concentration.

ساعات الدوا بيعلي ويقل ويعلي ويقل فيقولوا عليه الـ fluctuation يعني تذبذب في مستوي الدوا في البلازما,

وممكن يوصل لمستوي عالي ويعمل toxic effects وممكن لو قليل أوي ميجيبش نتيجة.
 الميزة في ال SR ان تقريبا ال level بتاع الدواء في البلازما بيبقي غالبا ثابت.
 الميزة هنا بقي في ال Theophylline انه موجود بالليل بنسبة كويسة فيمنع ال nocturnal asthma.

الدوا التاني اللي اسمه **Aminophylline** عندنا طريقتين لاعطائه:

- الطريقة الأولى هي IV, ولازم very very slowly IV؛ لأنه لو اتحقن بسرعة هيعمل مشاكل جامدة أوي اسمها velocity reaction, ده من الأمثلة المربعة أوي لو ادته IV بسرعة, وده ال ampoule بتاعته حوالي 10 cm بتقعد تديها للعيان في عشر دقائق أو ربع ساعة أو أكثر لو انت ضميرك صاحي.

- الطريقة الثانية ليه هي rectal suppository

أنا عايز اقولكوا قاعدة بقي وهي ان الأدوية دي irritant يعني بتعمل irritation في أي مكان تتاخذ فيه, يعني لو أخذتها oral هتعمل anorexia و nausea و vomiting, وممنوعة تماما طبعا في العيانيين اللي عندهم ulcer انها تتاخذ rectal لأنها هتعمل irritation في ال rectal mucosa.

وكذلك لو اتاخذوا IV هيعملوا التهاب وجلطة في ال superficial veins, مهياش خطر بس بتوجع شوية.

لو بنتكلم عن ال distribution,

أنا قتلوكوا ان دول هناخدكم في الترم التاني في ال CNS, بيبقي أكيد بيعدوا BBB ويعملوا CNS stimulation, وهنسمع دلوقتي انه لو اتاخذ منهم كمية بسيطة يعني لو حد فيكوا بيعحب القهوة ففي الأول كده هيحصل شوية mood elevation بعد الفنجان, بعد كده لو دخلنا في جرعات أكبر تدخلنا في insomnia و tremors, والجرعات العالية أوي تدخلنا في seizures أو تشنجات ودي علامة سيئة جدا في التسمم, لو الدوا زاد عن 40mg/L وده طبعا مش في القهوة, ده في ال theophylline & aminophylline.

الجزء بتاع ال fate بقي:

هما غالبا بيتكسروا بال HME وبيتحولوا لمركب اسمه methyl uric acid بينزل في ال urine.

سؤال الشفوي المشهور بتاعنا:

العيان اللي عنده gout بيبقي عنده زيادة في ال uric acid وممنوع عنه أدوية وأكل كثير جدا بيعلي ال uric acid.

السؤال بقي: هل القهوة والشاي والكولا والكاكاو وكل الكلام ده ممنوعين في ال gout؟
 لأ, ليه؟ عشان دول بيدوا methyl uric acid وده الميزة بتاعته انه soluble in urine يعني لا هيترسب في المفاصل ولا هيترسب في ال urine.

وخلي بالك ان الدوا ده metabolized by hepatic microsomal enzymes عشان هرجعلها تاني بعد شوية.

آخر حاجة بقي في ال kinetics ان الدوا ده المفروض ان ال therapeutic level بتاعه من

very very narrow safety margin يبقى toxic level أكثر من 20 mg/L وال low therapeutic index.

مين قريب عدي علينا كان كده بردو؟ Digitalis. والقاعدة طبعا عشان تعرف فيه toxicity ولا لأ هي انك تقيس ال level بتاعه في الدم, وعندنا هنا فوق 40 ده اللي يموت لأنه بيعمل arrhythmia جامدة أوي وتشنجات.

:Mechanism of action

بيشتغل بطريقتين مهمين أوي:

1. الطريقة الأهم بالنسبة لي انه بيعمل inhibition of phosphodiesterase, بيعمل inhibition ل types 4, فيزود cAMP. كتاب القسم أعتقد كاتب انه بيزود cGMP معرفش ليه, بس هو الأساس في شغله انه بيزود cAMP.

ده cGMP ده ممكن أحيانا يعمل مشاكل يعنى يعمل bronchospasm, لكن هو زود cAMP فعمل bronchodilation وقلل ال secretions وزود ال muco-ciliary activity.

2. فيه عندنا receptor مش هيعدي علينا خالص الحقيقة في المنهج اسمه adenosine, كان المفروض انه اتاخذ تبع Autacoids.

فيه حاجة مهمة عندنا اسمها ال adenosine, ده ليه مجموعة كبيرة من ال receptors من ضمنها receptors موجودة علي ال bronchial smooth muscles. لما يشتغل ال adenosine علي ال receptor ده بيعمل bronchospasm وبيطلع histamine من ال mast cells, فأنا لما بدى المجموعة دي من الأدوية بتعمل block of adenosine receptors, يبقى أنا عملت العكس, عملت bronchodilation وقللت ال release of histamine from mast cells.

انتو أخذتوا بالكوا ان ال histamine ملوش قيمة؟ يعنى لما اتكلمنا عن ال antihistaminics في ال autacoids قلنا مش مهمين أوي في ال bronchial asthma؛ لأن ال histamine مش هو المشكلة, عندي other mediators أهم بكتير زي PAF و Leukotrienes.

ال mechanism ده الحقيقة مش معروف ازاي بيعمله, هو بيحسن ال contraction of diaphragm وده بيزود ال air entry يعنى بتخلي عملية دخول الهوا في ال respiration أسهل.

فيه كلام مش أكيد أوي وهو انه بي release ال adrenaline من ال adrenal medulla وانتو عارفين ان ال adrenaline ليه bronchodilator action كويس.

آخر mechanism ان ليه anti-inflammatory action ضعيف بيمنع الي حد ما migration of inflammatory cells وخروج ال mediators, هي معلومة مش مؤكدة أوي بس موجودة.

Clinical use of methylxanthines

أحنا تصورنا شكل العيان اللي عنده bronchial asthma ده, يعنى ممكن يجيلنا في كام حالة؟ حالتين علي الأقل: حالة اسمها acute attack وحالة اسمها in between attacks.

في ال acute attacks, ال drug of choice ايه؟ Terbutaline أو Salbutamol.
بيتأخدوا ازاي؟ inhalation من خلال 1-2 puffs عشان مفقدش ال selectivity.
لو العيان متحسنش بديه 200-250 ml Aminophylline, و very very slowly IV و زي ما هنشوف في العملي, المعلومة دي بتتشال وتتحط في النهج علي أساس أحيانا بيقولك ال aminophylline خطير جدا لو اتأخذ بسرعة فبلاش منه أحسن.
طيب in between attacks؟

Theophylline oral sustained release tablets أو SC.

في حاجة تالته بقي هتأخدوها ان شاء الله في العملي اسمها severe acute asthma أو life-threatening asthma أو اسم قديم شوية هو status asthmaticus, ده عيان اخد Salbutamol مرة واثنين وال asthma مفكتش, اخد حقنة Aminophylline وال asthma فضلت موجودة, يبقى ده يروح المستشفى بقي ياخذ حاجات كتير أوي من ضمنها Aminophylline بس هيبقي IV infusion.
الاستعمالات بتاعة الترم ده قلناها خلاص, الباقي مؤجل للترم التاني.

نقدر بقي نقول عيوب ال methylxanthines؟

ال aminophylline و theophylline مننشاش معاهم جملة كده تاريخية, انه ليهم low therapeutic index.

هيشغلوا ع ال CVS و GIT و CNS.

علي ال CVS هيعملوا ايه؟

* علي ال heart بيزودوا كل حاجة: tachycardia, arrhythmia, angina ويزودوا cardiac work.

يبقي نظريا يعنى ممنوعين في أنهي عيان؟ angina و arrhythmia.

* جم علي ال blood vessels وسعوها, يبقى عملوا hypotension, يبقى ممنوعين في الناس اللي ضغطهم قليل مثلا.

علي ال CNS

عملوا stimulation, بدأنا بشوية tremors و anxiety, لحد ما وصلنا للتشنجات ووراها coma & death.

علي ال GIT

بما انهم irritant يبقى هيعملوا nausea و vomiting و diarrhea و hyperacidity؛ عشان كده ممنوعين في ال peptic ulcer.

طبعا لو اتحقنوا بقي هيحصل thrombophlebitis, يعمل شوية جلطات في ال superficial veins, ولو في ال rectum يبقى proctitis.

ليه عملوا hyperacidity؟
لأنهم ييزودوا cAMP, فينشطوا حاجة اسمها proton pump, وممكن تقول عشان هم
local irritants.

C. Anti-muscarinic drugs

دي اخر مجموعة في ال bronchodilators, معتقدش ان احنا هنعرف فيها حاجة أكثر من
اللي احنا عارفينه.

كتاب القسم بس كاتب بنستعملهم امتي أو clinical use:
* هيفرقوا في العيان علي حسب لو ال vagal tone عالي يبقى هيجيب نتيجة كويسة, لو
مش عالي يبقى مش هيشغلوا كويس.
* يا اما بديهم كبدل لل β_2 agonist بيقولك in intolerant patient, يعني عيان مش
مستحمل ال β_2 agonist عشان بتعمل tremors جامدة أو tachycardia أو مشكلة عصبية
وتوتر.

* يا اما بيتاخذوا مع ال β_2 agonists ك synergism, عشان يقووا شغل بعض.
* يا اما لو سبب ال bronchospasm هو beta blockers.
* فيه مرض هتسمعه في الباطنة اسمه COPD أو chronic obstructive pulmonary
disease, بيدوا ساعتها bronchodilators زي المجموعة بتاعة ال Ipratropium وعرفناه
مزايه بالنسبة لل atropine.

2. Anti-inflammatory drugs

A. Corticosteroids

ازاي بيشتغلوا في ال bronchial asthma؟
ال main aim of treatment is anti-inflammatory, مش هيعملوا bronchodilation
تقريباً وبالتالي دورهم كله علي مستوي الوقاية.
طريقة شغله: قللنا PLA2 فقللنا تكوين ال arachidonic acid وال prostaglandins وأهم
حاجة Leukotrienes.

مننسا ان ليهم immune-suppressive action, بيقللوا antibody formation وال
antigen-antibody reaction, وبيقللوا خروج ال cytokines من ال inflammatory
cells.

من الحاجات المهمة أوي في شغلهم, وحاجة قلناها من شوية مهمة أوي لو أنا باخد β_2
agonist انهم هيمنعوا يحصل down regulation فمش هيحصل tolerance مع ال β_2
agonists.

ليه بيمنع ال asthma-related death؟
عشان من غيره هيحصل tolerance لل β_2 agonists فهضطر أزود الجرعات, فمممكن يحصل
death للعيان اللي عنده arrhythmia أو angina.

دورهم في الbronchial asthma:

ايه رأيك في الacute attack؟
 لأ، أنا محتاج bronchodilators في الattack, يبقى دورهم هنا وقائي يعني long term prophylaxis.
 الدور التاني انهم أحسن الأدوية في status asthmaticus.
 في الجزء بتاع الprophylaxis أنا عندي اختيارين الحقيقة:
 يا إما أديهم oral أو inhalation.
 احنا لسه ما أخذناهمش في الendocrine, بس هقولك انهم لما بيتأخذوا systemic بيعملوا أعراض جانبية كتيرة جدا:
 * أولاً negative feedback زي ما احنا عارفين, فماينفعش sudden withdrawal.
 * كلنا فاكيرين ان الsteroids دول catabolic يعني بيكسروا البروتين, فهياثروا علي نمو الأطفال ويعملوا osteoporosis و delayed wound healing.
 * هيكسروا الfats ويعملوا حاجة اسمها redistribution, فاكيرين شكل الCushing syndrome؟ moon face والfat في الtrunk وwasting في الأطراف.
 * بيكسروا الglycogen فيعلي الglucose وممكن يحصل hyperglycemia.
 * بيعملوا نقص في المناعة.
 يبقى يفضل أديهم inhalation, يبقىوا very localized
 اللي عايزين نحفظه في الinhalation يعني ياريت نحفظ اسم أو اتنين كده:
 فيه دوا اسمه Beclomethasone وده أشهر واحد في الأسئلة بتاعتنا, وفيه عندنا Fluticasone وBudesonide.
 دول بيسموهم ICS يعني inhaled corticosteroids.
 دي علي فكرة من الانجازات المهمة أوي في علاج الbronchial asthma لأنهم اشتغلوا كويس أوي ك anti-inflammatory من غير مايعملوا مشاكل systemic.
 امتي أدي systemic steroid بقي؟
 في الsevere acute asthma بندي يا إما oral Prednisolone, لكن الأفضل IV, فيه دوا اسمه Methylprednisolone sodium و Hydrocortisone sodium succinate.
 نخلي بالناس بقي في العيان اللي بياخد حقن cortisol في الstatus, هو اخذ جرعة كبيرة فعملتله suppression ع الaxis بتاعه, فلو أنا بطلت الsteroid فجأة يعني حقنته وسبت العيان ده هيدخل في acute addisonian crisis.
 عشان كده بنقعد فترة ندي oral steroids بعدها وأوقفها gradually.
 طبعا الأقراص بتاعة الcortisone زمان كانت بالنسبة لي اخر حل في الasthma, يعني عندي severe persistent asthma وجريت حاجات كتير بس مفيش حاجة جايبة نتيجة فبضطر أدي systemic steroids.
 العيوب بتاعة الsystemic corticosteroids قلناها بشكل مبسط أوي دلوقتي.

ايه باقي المشاكل بتاعة الinhaled steroids؟ مشهورة أوي انها بتعمل حاجة اسمها oro-pharyngeal candidiasis. يعني ايه باقي؟ ده fungal infection. ليه حصلت؟ عشان الimmuno-suppression فمممكن يدي فرصة انه يحصل infection من الحاجات الضعيفة زي الfungus. هو ليه precaution, أقدر أمنعه بان كل مرة اخد فيها البخاخة لازم أعمل حاجة اسمها mouth gargle, ولو حصل والعيان جالي ببقع لونها أبيض شوية بنديله antifungal مشهور أوي اسمه Nystatin. العيب التاني باقي لأسباب مش واضحة أوي: بيغير الصوت, بيعمل hoarseness وبيسموها dysphonia. العيان صوته يبقى محشرج شوية

B. Mast cell stabilizers

فقدت دورها تقريبا الحقيقة في الوقاية من الbronchial asthma. هي فكرتهم ببساطة زي ما قلنا انهم مش bronchodilators وملهمش علاقة بال-antigen antibody reaction اللي بيحصل علي الmast cell, كل الفكرة ان الmast cells مبيحصلهاش rupture. الmechanism بتاعتهم مش مفهومة أوي, زمان كان فيه ناس بتقول انهم بيقللوا الكالسيوم أو cAMP جوا الmast cell. دلوقتي بيقولوا انهم بيغيروا الchloride permeability, في الكتاب فيه جملة مش مفهومة أوي «They alter the permeability of chloride». تفنكروا بيعملوا ايه في الchloride؟ هو الchloride موجود فين ولما بتتفتح الchannel بتاعته بيروح فين؟ الchloride بره ولما تتفتح الchannel بتاعته بيحصل influx. طب استفدت ايه؟ الchloride ده negatively charged فلما يحصله influx كأنه بيزود الnegative charges جوه وفي نفس الوقت الpositive charges بره بتزيد, كأنه بيعمل hyperpolarization والله أعلم. عندنا اسمين باقي: Cromolyn & Nedocromil sodium.

استعمالاتهم:

متنساش باقي عشان مرة جه سؤال في النظري محدش عرف يحله, كتب therapeutic use of mast cell stabilizers فكله اتكلم علي الbronchial asthma, هما في الحقيقة ليهم دور تاني في حالات الallergy, بيتاخدوا علي شكل eye drops في allergic conjunctivitis وnasal spray في allergic rhinitis وكلهم نفس الفكرة.

عيوبهم باقي:

علي فكرة هما بيتاخدوا inhalation, انتو عارفين معظم البخاخات دلوقتي عبارة عن سائل مضغوط فيطلع رذاذ كده, ده ما يعملش مشكلة. زمان كان عندنا نوع من البخاخات, كان الدوا فيه عبارة عن كبسولة جواها powder وكانت

البخاخة بتتفك من بعضها كده ويتحط هنا الكبسولة والناحية دي فيها دبوس, فادخل الدوا والدبوس يخرم الكبسولة وأدخل البخاخة في الفم كده وفيه مروحة صغيرة, باخد نفس فالمروحة دي بتدخلي الparticles دي علي الrespiratory system, لما تدخل شوية تراب بقي علي الrespiratory system يحصل irritation وcough وساعات يحصل reflex bronchospasm زي أي دوا ممكن يعمل allergy. ومكتوب انه هو rarely ممكن يعمل anaphylaxis.

C. Leukotrienes inhibitors

قلناها قبل كده في الautacoids. عندنا مجموعتين: يا اما 5-Lipoxygenase inhibitors الي هو Zileuton يا اما leukotriene antagonists زي Zafirlukast & Montelukast. الحقيقة فيهم ميزة حلوة أوي بالذات Zafirlukast وMontelukast, انهم very safe فممكن يتاخدوا في الأطفال. طبعا دورهم في الوقاية عشان هم anti-inflammatory ومهماش bronchodilators.

New drugs

في الbronchial asthma الحقيقة كتير أوي, لكن الكتاب مركز علي حاجة واحدة بس: IgE monoclonal antibodies. فاهمين الفكرة الي فيه؟ يعني هدي دوا من بره يمسك في الIgE, فمش هيدي فرصة للantigen انه يمسك في الIgE, وبالتالي مش هيحصل rupture of mast cells, الدوا ده اسمه Omalizumab, أي دوا اخره mab- يبقى اختصار monoclonal antibody. مشكلته بقي انه very expensive لأنه بيتحضر عن طريق الrecombinant DNA, فدايما بردو هو بالنسبة لي الحل الأخير في الsevere asthma. بما انه antibody يبقى مينفعش يتاخد oral لأنه هيتكسر بالdigestive enzymes, يبقى يتاخد subcutaneous.

Choice of treatment

هنحفظه عشان العملي:
* بوجه عام وببساطة في الacute يبقى SABA ولو منفعش يبقى Aminophylline.
* في الlong term prophylaxis هيبقي علي حسب الحالة بقي, يعني الmild intermittent مبدئش حاجة, الsevere, moderate & mild persistent أهم حاجة فيهم inhaled corticosteroids.
فيه بقي بدائل عندنا مثلا زي leukotriene modifiers أو SR Theophylline, SR Theophylline ده أوحش واحد عشان ليه low therapeutic index.
قبل ما أنسي بس أنا قلت ان Theophylline وAminophylline بيبقوا metabolized by liver, بس طالما بيتكسروا بHME فانت متوقع drug interaction.

لو أخذته مع hepatic microsomal enzyme inducer يبقى كسرته أكثر، يبقى تأثيره قل فلازم أعوض ده باني أزود الجرعة.

ولو العكس بقي -وده الأخطر- يعني لو أنا أخذته مع HME inhibitor وده علي فكرة very common, عندني asthma وبأخد Theophylline وجالي chest infection فبأخد دوا اسمه Erythromycin أو Chloramphenicol, لازم هنا أعمل ايه؟ لازم أقلل جرعة ال Theophylline والا هندخل في تسمم.

مرة جه سؤال الناس اتلخبطت فيه في العملي، قالك ايه في الأدوية اللي جاية بيزود clearance of theophylline؟ طبعا هتختار HME inducers.

طب ايه رأيك في عيان عنده heart failure وبيأخد theophylline؟ ياخذ نفس الجرعة؟ باينة شكلها بعيدة أوي بس هي قريبة أوي، ال heart failure بيبقي ال cardiac output قليل، فال blood flow لل liver قليل، بالتالي شغل ال HME قليل، يبقى لازم جرعة قليلة.

طب لو واحد عنده liver disease؟ نفس الحكاية، هياخذ جرعة أقل. مش موجودة في الكتاب بس نقطة مهمة أوي، الأدوية الممنوعة في ال asthma، معظمها علي فكرة عدي علينا:

ال β_2 لا تشتغل تعمل bronchodilation وال M3 لا تشتغل تعمل bronchoconstriction، يبقى مين أول مجموعتين ممنوعين في ال asthma؟ M3 agonists اللي هما ال parasympathomimetics بتوع زمان، وال beta blockers، أنهي بقي فيهم اللي أكيد ممنوعة؟ selective β_2 blockers، ال non selective BB مفيش غير دوا خيبان أوي ما نسمعش عنه الا في العملي اسمه Butoxamine. طب ايه رأيك في ال cardio-selective blockers؟ أستعملها بحذر شديد، عشان أنا خايف أفقد ال selectivity فأقفل ال β_2 كمان.

ممنوع ايه كمان؟ فاكتر الرسة بتاعة ال Eicosanoids؟ كل ال NSAIDs زي ال Aspirin ممنوعين. طب ايه رأيك في ال histamine؟ ده بيعمل ايه في ال bronchi؟ بيشتغل علي H1 receptors ويعمل bronchospasm، يبقى ال histamine ممنوع، بس هل فيه دوا اسمه histamine؟ مفيش، فيه دوا اسمه histamine releaser يعني حاجة تطلع histamine، مين أشهرهم؟

Curare و Morphine و Trimetaphan بتاع ال ganglion blockers و Succinylcholine.

لكن أشهرهم وأهمهم هو Morphine. وفيه أدوية في ال autonomic بتبقي histamine-like: في ال alpha blockers فيه مجموعة اسمها Imidazoline alpha blockers منهم دوا اسمه Phentolamine ودوا شبهه اسمه tolazoline، الاتنين دول تركيبتهن شبه ال histamine فيعملوا bronchospasm، يبقى دول كلهم ممنوعين.

ايه أخبار ال ACE inhibitors في ال bronchial asthma؟
 ال Lisinopril و Enalapril و Captopril يستخدموا ولا لأ؟
 لأ؛ عشان بيمنعوا ال kinase II فيزودوا ال bradykinin فيعملوا dry cough.
 لكن الحلو بقي ال ARBs مفيهمش مشكلة.
 بردو ممنوع أي حاجة تثبط ال (RC) respiratory center وأشهرها ال Morphine,
 يبقى هو كده ممنوع هنا لأكثر من سبب، لكن أهم سبب انه بيهبط ال RC وال cough
 center فيخلي الواحد ميطلعش ال sputum اللي موجود، ده غير انه بيطلع ال histamine
 وده ليه spasmogenic effect علي ال bronchi، هنسمعه ان شاء الله بعدين بالتفصيل.
 فيه مجموعة من الأدوية المهدئة والنومة اسمها Barbiturates بردو بتهدئ ال RC.

سؤال: هو ال Aspirin وال Morphine اللاتنين مسكنات واللاتنين ممنوعين في ال bronchial asthma، يبقى العيان ده لما يجيله وجع يعمل ايه؟

ياخد Paracetamol، اشمعني؟
 ال Paracetamol بيمنع ال COX في ال CNS بس مش بره ال CNS، يعني ما يعملش shift لل
 ال arachidonic acid ناحية ال leukotrienes في ال bronchi، فبالتالي هو أفضل analgesic
 في ال asthma.

:Treatment of cough

علاج الكحة.
 قبل ما نبدأ عشان تبقي مهياً نفسك، هتسمع أسامى أدوية هتسمعها في حاجة تانية.
 Cough is a symptom, not a disease.
 يعني ده عرض، مفيش مرض اسمه كحة، عشان كده لازم لما نشوف treatment of cough
 ندور علي السبب.

:Causes of cough

أسباب الكحة:
 * حاجات related لل respiratory system، يعني عيان عنده asthma أو TB أو
 bronchitis.
 * أو يكون السبب أمراض تانية، فيه مرض هنسمعه في الترم التانفي ال GIT باذن الله اسمه
 GERD أو Gastro-esophageal reflux disease اللي كانوا بيسموه زمان reflux
 esophagitis وبيسموه بالعربي ارتجاع.
 بعد الأكل لما تبدأ ال stomach contract، ال gastro-esophageal sphincter بتقفل،
 العيان ده بقي عنده incontinence يعني الصمام بتاعه ده مفوت، فييجي بعد الأكل
 يحصل contraction لل stomach فيرجع شوية من الأكل والحمض لل esophagus.
 ساعات بتبقي جامدة أوي فيحصل قرحة في ال esophagus.
 * ممكن الكحة كمان تكون بسبب أدوية زي ACE inhibitors.

Types of cough:

عندنا نوعين:

* نوع dry, عنده كحة جافة يعنى مفيش sputum بيطلع (useless).
 * نوع productive, بيسموه بردو useful, مش معناها انه مفيد بس معناها ان فيه نتاج بيطلع.

علاج dry cough:

مجموعة أدوية اسمها Antitussives, لما تسمع اللفظ ده في الفارما يبقى الدوا ده بيعالج الdry cough.

وعلاج productive cough حاجتين:

حاجة اسمها Expectorants بيسموها بالعربي طارد للبلغم, وMucolytic agents بيسموها بالعربي مذيب للبلغم.

في أدوية الكحة ممكن تلاقي الدوا expectorant وفي نفس الوقت mucolytic, وممكن كمان antitussive وعليه بقي antihistaminic.

يبقي عشان كده معظم أدوية الكحة انت مش محتاج تحفظ أساميههم, لكن لازم تحفظ أسامي المجموعات اللي بتستخدم in treatment of cough.

عشان تفهم بقي الأدوية بتاعة الdry cough لازم نعرف ان الcough ده reflex, بيحصل ازاي؟

لو انت عندك أي حاجة عاملة irritation في الmucous membrane of bronchi, الirritant ده بينشط receptors موجودة في الmucous membrane بتاع الrespiratory tract بيسموها في بعض الكتب stretch receptors, المهم انه بعت اشارة للmedulla في جزء اسمه cough center.

الcough center لما يحس ان فيه حاجة offensive علي الbronchi بيعت reflex يعمل الaction بتاع الكحة نفسها, الكحة دي هي اللي بنعالجها بأدوية اسمها Antitussives.

هتشتغل ازاي الantitussives دي؟

أقدر أعمل إيه في الcough center ده؟ أقدر أعمل inhibition of cough center, دي اللي بيعملها central antitussives.

الحل التاني ان أنا أخلي الnerve ending ده مايشغلش, يقولوا عليها ساعتها peripheral antitussives, ودي ملهاش دعوة بقي بالmedulla, دي كل شغلها علي الnerve ending ع bronchi.

مين باقي الأدوية اللي تتاخد central؟

فيه مجموعة أدوية اسمها non narcotic & non addictive, يعنى إيه non narcotic؟ يعنى ما بتنيمش (sleep narcotic).

و non addictive يعنى لو استعملتها مش هيحصل منها ادمان. الأسامي بقي تحفظ ان شاء الله, عندنا أربع أدوية في المجموعة دي, الدوا المشهور أوي أوي

اسمه Dextromethorphan, والدوا نمرة اثنين دايمًا بيخدعنى في الـ MCQ عشان اسمه Narcotine, تحس من اسمه انه بينيم بس هو أصلاً مبيينيمش. ودوا اسمه Benzonatate ودوا اسمه Oxeladin. المجموعة الثانية بيسموها narcotic & less addictive. يعنى بيعمل ايه ان شاء الله؟ ينيمه ويعمله ادمان بس مش أوي. أشهر دوايين هنا: دوا اسمه Codeine و Pholcodine, طبعا لا يستخدموا حالياً عشان مشكلة الادمان بتاعتهم. زمان بقي أول مجموعة أدوية اكتشفوها لعلاج الـ dry cough هي الـ Morphine واخواته, يبقى دول اللي بيسموهم narcotic & highly addictive زي Morphine, Heroin & Methadone.

المجموعة الثانية بقي: peripheral antitussives:

كان فيه عنوان في الـ general كده عن mechanism of action of drugs, كان فيه طريقة chemical وطريقة physical, وفيه طريقة علي الـ cell membranes وطريقة علي الـ enzymes. كان من ضمن الطرق الـ physical بقي حاجة اسمها demulcents يعنى الدوا يعمل طبقة واقية (layer or barrier) علي الـ mucous membrane. ايه الفكرة اللي فيه بقي؟ يعمل dis-irritation, يبقى أنا وقفت الـ reflex بتاع الكحة بس من خلال شغلي علي الـ bronchus نفسها. اللي بيعمل demulcent action بقي حاجة اسمها Liquorice, اللي هو العرقسوس اللي انتو عارفينه, العرقسوس ده بيعالج الـ ulcer علي فكرة, هناخد في الترم التاني الكلام ده, لكن هو النهاردة الهدف منه يعمل demulcent action يعنى بيعمل protective layer علي الـ mucous membrane. هيتاخد علي شكل حاجة اسمها lozenges يعنى بالعربي اسمها أقراص الاستحلاب, وحاجة اسمها pastilles ودي حاجة عاملة زي البونبون كده, عارف strepsils؟ زيه بالظبط, أهو ده pastilles اللي هو بيبقي بالنعناع واللمون وكده. طيب, دي الطريقة رقم واحد اللي بنسميها demulcent action, الطريقة نمرة اثنين اسمها steam inhalation, و steam يعنى بخار, بيعمل ايه بقي في العيان؟ بنجيب حاجة اسمها بالانجليزي tincture, Benzoin compound tincture دي معناها مادة جاية من plant origin وبنطلعها من النبات ونحطها جوه الكحول فيطلع حاجة اسمها tincture. يبقى Tincture benzoin بيسموها بالعربي صبغة الجاوي, معرفش سمعتوا عنها قبل كده ولا لأ, أو حاجة اسمها Menthol ودي يعنى نعناع أو حاجة شبه النعناع كده. العيان بيوجب النقط بتاعة المادة دي ويحطها في حلة بتغلي ويجيب فوطة ويغطي نفسه بيها عشان البخار اللي طالع ده يعمل mucous barrier علي الـ mucous membrane, يعنى يخلي الغدد تطلع mucous.

الطريقة الثالثة بقي، ده اسمه Benzonatate، سمعته من شوية مش كده؟!
 ده non narcotic & non addictive بيمنع الcough centrally، وليه action كمان، انه
 بيشتغل كlocal anesthetic، وهو علي فكرة شبه دوا اسمه Tetracaine.
 بيعمل ايه؟ هو بيشتغل كlocal anesthetic يبقى بيعمل ايه؟ بيغفل الNa⁺ channels
 فالsignals مش بتوصل الCNS.

آخر دوا مش معروف طريقة شغله اسمه Guaifenesin، الدوا ده موجود دايمًا في أدوية
 البرد ضمن أدوية الكحة، هو بيشتغل أحيانًا بantitussive effect لكن مش هو ده الحقيقة
 الmain action بتاعه.

ده بالنسبة للمجموعة اللي اسمها Antitussives.

المجموعة الثانية بقي اللي اسمها Expectorants:

لو جالك في الMCQ، فدي هي المجموعة اللي بتتاخد عشان تطرد البلغم للناس اللي عندهم
 productive cough.

بنقسم بقي الExpectorants دول لمجموعتين: مجموعة اسمها sedative ومجموعة
 اسمها stimulant.

انت لما تسمع كلمة ان الدوا ده sedative ببيجي في بالك ان الدوا ده ايه؟ منوم مش
 كده؟ وstimulant يعني بيصحصحه؟ غلط، sedative هنا معناها انه بيقلل ال
 inflammation of mucous membrane يعني بيعمل sedation of inflamed
 mucous membrane وليس للعيان نفسه، يعني بيهدي أو ييلطف ال
 membrane اللي فيه inflammation.

وكذلك كلمة stimulant تعني stimulates the healing of inflamed mucous
 membrane، يبقى كلمة sedative وstimulant هنا ملهاش علاقة بالعيان.

يبقي ازاي نعالج الكحة؟

قلنا ايه لغاية دلوقتي؟

أولاً: Antitussives، ودي بتعالج dry cough.

ثانياً: Expectorants، ودي بتعالج productive cough.

فاكر تقسيمة الantitussives؟ كان فيه central وperipheral.

وفي الexpectorants فيه sedative وstimulant.

تحت عنوان الsedative فيه 3 مجموعات: saline, alkaline & nauseant.

فيه أدوية بقي مساعدة للناس اللي عندهم productive cough واسمها mucolytic
 agents:

علي فكرة الsputum ده باختصار عبارة عن mucopolysaccharide، مشكلته ان ال
 particles لازقين في بعض أوي، يعني فيه حاجة اسمها polymerization فلازقين أوي
 في بعض، عشان كده الsputum ده is very thick mucus.

الفكرة فيه ايه بقي؟ ان أنا أحول أكسر الbound substances اللي في الmucous، أحاول
 أكسر اللي لازقين في بعض عشان أدي فرصة للمية انها تدخل بين الparticles.

فيه في mucolytic agents دوايين كده شبه بعض: دوا اسمه Bromhexine ودوا اسمه Ambroxol.

دول بيشتغلوا ازاي الاتنين دول؟

بيعملوا حاجة اسمها de-polymerization of mucopolysaccharide of ground substance يعنى بيكسروها، فيبدأ العيان يحس انه اتخلص من السعال. علي فكرة محدش بيعالج الكحة بالمucolytic لوحده، ده دوا مساعد مع ال expectorant.

الدوايين دول بيتاخدوا بكل الطرق: oral و inhalation و injection و rectal وكل حاجة. الدوا الي بعد كده دوا مهم وجه عليه أسئلة قبل كده في نص السنة، اسمه Acetyl cysteine، ده بنقول عليه SH donor، يعنى بيطالع منه مركب اسمه sulfhydryl group، SH group دي بتكسر ال mucopolysaccharides وبالتحديد حاجة اسمها disulfide bonds في ال mucopolysaccharide particles.

خلي بالك فيه action كمان للAcetyl cysteine وهو انه antioxidant. كمان ده بيتاخد في حالات معينة زي ناس عندهم cystic fibrosis أو TB أو غيره، وبيتاخد قبل ما أعمل ما يسمى بـ bronchoscopy يعنى أدخل منظار جوا ال bronchus عشان اخذ عينة أو أشخص حاجة، لو دخلت المنظار وفيه mucus جوا ال bronchus مش هيشغل.

الاستعمال التالت ليه هو استعمال مهم أوي ان شاء الله في الترم التاني: انت عارف دوا اسمه Acetaminophen أو Paracetamol؟ ده بيشتغل كـ analgesic و antidiuretic، الي عايزك تعرفه النهاردة ان ال Paracetamol ده بيتكسر في ال liver بطريقتين: طريقة اسمها conjugation ودي مش مهمة أوي، وطريقة تانية اسمها oxidation وبيدي مركب اختصاره كده NAPQI، لما تعرف هو اختصار ايه هتبكي فعلا :xD

N-acetyl Para benzoquinone imine.

الNAPQI ده toxic metabolite عشان كده ال liver بيحط عليه SH group ويعمله detoxification، يعنى ال liver يقدر يحول ال NAPQI ده من toxic لـ non toxic، بشرط يكون فيه glutathione؛ عشان ال glutathione بيشبك ال SH group بتاعته مع ال NAPQI ويحوله لمركب non toxic.

امتى بقي يحصل مشكلة في ال liver؟

لو أنا أخذت toxic dose of Paracetamol، فالNAPQI ده هيعلي أوي وال liver هيخلص ال glutathione الي عنده، فالNAPQI هيحصله accumulation جوه ال liver ويحصل liver damage، ولما ينزل في ال kidney يعمل renal damage. الحل ايه بقي؟

مين بيعمل detoxification للNAPQI؟ ال SH group، يبقى نديله دوا بـ SH release، وأشهر دوا هو Acetyl cysteine.

يبقي الدوا ده ليه استعمال كـ mucolytic واستعمال قد يكون life-saving للي ناس الي بيجيلها تسمم Paracetamol.